

鄭師山集
四

卷四

師山先生全集卷之十

修復先墳石表

元新安 鄭玉著

先人嘗謂玉曰六世祖妣汪氏之墓在吾居之右
西廳之前者至元兵燹屋燬于盜墳亦湮焉自吾
父遊宦四方歸而竟忘其處詢之故老無有能識
之者墳卒不復此吾父子無窮之痛也小子識之
言畢泣數行下玉時聞命恐悚哭不能對明年先
人遂捐館舍矣喪復嘗乃覃精竭慮思復先墳以
繼先志若非掘地見廓終成傳疑久而道路溝渠

耕犁宮室之患蓋能免元統二年十有二月庚申
 誓于天地告以祖宗曰此墳之復玉不敢見乎廟
 見乎日月矣鑿地三尺磚墀宛然坐癸向丁去廳
 階丈有一尺五寸玉再拜在地悲喜交集感及而
 慟先祖先人之志庶几少慰矣記禮者曰孔子少
 孤不知其墓問于曼父之母合葬于防故夫子之
 言也古者墓而不墳今丘也東西南北之人也不
 可以弗識封之崇四尺則墳之于墓自聖人然矣
 乃積土其上高及四尺羅以圓石立表刻辭告于
 後之君子與吾子孫凡有人心天理者幸相與葺

之母壞毋奪後五日甲子六世孫鄭王百拜謹識

先府君休寧縣尹方村阡表

先君諱千齡字耆卿徽州歙縣衮隸里人也鄭氏
 相傳自睦徒譜逸不可考今歙縣以鄭名村者四
 五所：自為譜不相通先君幼從先生鮑公雲龍
 遊學知本原于孝弟尤篤長遊京師用薦者歷絃
 歌延陵美化江寧四鎮巡檢陞淳安和門兩縣尉
 改從仕郎泉州錄事未上以承事郎休寧縣尹致
 仕先王父諱安故從仕郎歙縣尹以封贈進承仕
 郎王妣洪追封恭人先君為巡檢江寧時有合陽

寺僧失財而疑其儕至以左證轍引服先君疑之
購賊無所得先君益疑其非盜欲縱之儕懼刑因
自誣服先君因指玉語之也吾惟此一息所欲故
入人于罪如皦日因縱之人以為縱盜後得盜當
塗境上尉初有盜牛者時法盜牛馬皆死先君謂
以畜故殺人非法意故出之盜得不死在弦歌建
弦歌書堂日與諸生講誦其間盜賊自息延陵有
吳季子祠時造祠下示以敬慕里俗為化及攝祈
門縣乃大修學校作興士類至有薦名禮部者因
邑民以婚為後黜之以明氏族之不可亂因叔父

歸其從子之為僧徒者為後許之以明人倫之所
當重發摘奸伏一縣稱其政神明至順二年四月
癸未卒于杭州傳舍年六舟七玉奉喪歸以元統
二年十一月壬寅葬于里東方村先夫人之墓去
先大人之塋五年矣先夫人汪姓諱妙寧字靜德
同邑永豐鄉人配先君無遺德教玉尤篤至婦道
毋儀可法後世人謂女中賢聖封宜人延祐五年
卒年五十五卒之歲弟連生先夫人猶及名之先
是先君卒學者私謚曰貞白先生有司表其門里
里之人請于翰林學士揭公侯斯為貞白里門碑

刺道上距今十六年墓上石久未刻蓋有待玉今年五十日無聞大懼先德不揚乃取先君歷官行事梗槩刻之石至若氣象語言之雄粹德行問學之懿深顧小子玉所不敢論著者尚有望于當世之大人先生云至正七年春正月戊午望

鄭氏石譜

鄭姓居歙號稱繁衍以姓名村者四五處然村自為譜不能相通按我家譜始遷自睦居城北之栗村歷數世又遷城西之官塘高池府君始遷今居世以孝弟力田相貽四傳至楓樹府君生產益饒

遂以賢雄其鄉國朝至元初先大父以全城之功出宰鄉邑沒而民思之不忘朝廷列之明祀號鄭令君廟先君子繼武入仕官至休寧縣令以操行著聞學者私謚曰貞白先生有司表所居為貞白里玉也不肖無狀重以群從單微不足以承先烈且見世之宗族服屬既盡尊卑遂奈貧富不等利害相凌不知其初為一人之身也乃取高池府君而下至族之曾孫凡十五世輯為比圖刻之先大父墓碑之陰使吾子孫苟知邈流尋源尊祖睦族之義者庶几有所考焉嗚呼能以高池府君之心

為心則一人之身而矣豈有百教十人之殊哉豈
有紊亂欺凌之患哉後之人尚勉旃至正十有五
年歲在乙未十有二月朔節玉百謹識

弟璉名字說

玉生十有五年先君子命名以易其小字而祝之
曰珪璋瑾瓚各適于一用而不能相通玉者璞也
將無用而不可也玉乎玉乎汝其勉之後十有九
年而先君子即世又三年而玉除衆于先德無所
肖似深懼夫不能入于君子之域而將為小人之
歸也名其弟璉而告之也夫先君之名子也蓋將

望予以不器也今予齒長矣非惟不能不器而且
將無成器矣願生何面以入家廟死何辭以及黃
泉乎而尚恐名汝也耶雖然名者父兄之事也予
不名汝烏乎名汝乃見于廟請于先君子而名之
且字之曰希貢昔者端木氏問于孔子曰賜也何
如夫子以瑚璉答之先儒謂予貢雖未至于不器
而亦器之貴且重者歟予之名汝也蓋責之以學
子貢之事也子貢之多言不可學也子貢之貨殖
不可學也晚而得聞性與天道豈復多言貨殖之
子貢乎蓋其聞一知二之資積以歲月之久多學

識之之感卒歸一貫之功故自顏子以下一人而已其無可學者乎汝之資質遲鈍必千百昔人之功而後庶几或冀其可進也不然負先君之教者非特予也汝且不免夫

與子逢辰侄供辰

我兄弟孝友終身卒全節義兄死報國弟生保家此萬世法程也逢辰拱辰宜守吾兄弟之志益篤孝友之風如浦江鄭氏豈止吾地下之榮實吾祖宗之榮也勉之勉之戊戌七月二十五日

與姪孫忠

我之死也所以為天下立節義為萬世明綱常應在親族所宜自勉為臣盡忠為子盡孝以不辱為親為族足矣又何必臣：悲慕也族孫忠自幼相從師山講學故特書此以遺之使以此意告夫宗族焉戊戌七月三十日鄭玉書

師山先全集卷之十終

師山先生全集卷之十一

跋太極圖西銘後

元新安 鄭玉著

為學之道用心於支流餘裔而不知大本大原之所在者吾見其能造道者鮮矣周子太極圖說張子西銘其斯道之本源歟然太極之說是即理以明氣西銘之作是即氣以明理太極之生陰陽陰陽之生五行豈有理外之氣天地之塞吾其體天地之帥吾其性豈有氣外之理然則天地之大人物之繁孰能出於理氣之外哉二書之言雖約而

天地萬物無不備發源胡季時因朱子所著諸書
表二書而出之且發明朱子之意而為之解其亦
知為學者之本原歟嘗出以示予屬予題其後今
五年矣未有以復其命也因閱叢中故書復見季
時所著伏讀之餘因書所見如此將以質於季時
跋山谷字卷後

秦子敬好古雅多蓄名公書帖暇日持此示予蓋
山谷道人所書龍會編參歌也觀其融會佛書如
爐鑄鐵而筆刀道勁字勢飛颺視虎鬪爭龍蛇變
化莫測去來之跡是殆日月星辰彰於天山川草

木形以地而不知孰使然也古今人詩句字畫稱
唐宋唐之盛詩如李杜書如顏柳無加矣至宋元
祐懋豐間乃有道人者出不惟可以追駕古人遂
至兼取衆長集之一已可不謂盛乎嗚呼近世諸
公詩句如村店酒望字畫如妓館歌兒而去古人
益遠矣吾於是卷蓋三嘆云

猿鶴主人傳

至順初予在京師客居甚無事欲訪故人曹澹谷
於保定同雲作雪車馬不行道絕人跡竟不果往
澹谷乃亦此時乘輿命駕訪予所寓相見絕樹劇

談平生因問其所與遊者則曰有猿鶴主人神氣
飄逸志趣清高身不離乎泉石之間手不釋手花
木之事嘯歌終日以吟詠其性情倦則從倚庭除
或枕臂而睡家藏古今人名書法畫卷至玩弄以
為樂出酒酌酢不入夜不聽去嘗買鶴東海之上
置之冢園人有自雲南來者携一猿以歸割所愛
寶玩百計得之拍手則鶴舞於亭長嘯則猿呼於
樹起居飲食蓋未嘗離猿鶴也因自號猿鶴主人
子以謂其人何如予曰蓋通保定去京師不四百
里蓋長安近地宜其人以功名為事乃有主人脫

身以富貴利祿之場寓情乎烟霞泉石之外不既
賢乎為作猿主人傳主人姓李氏字卿文嘗仕於
朝尤膺寵命年未四十即退去不仕作傳者南人
南玉

堊枕銘

銘曰亂兮汝理執兮汝通寒暑十易兮出處汝同
膚裂齒脫兮汝職之供啓土堊汝兮以慰吾之衷

唐氏硯銘

新安唐先生家藏古硯百餘年矣元貞五年即滅
不戒於火屋燬而硯獨無恙人以為文字之祥也

郡人鄭玉為之銘曰一卷石兮為祥伴翰墨兮增
光出煨燼兮不壞伊唐氏兮其昌

注先生小像贊

觀其衣冠儼然若拱立乎巖廊之上容貌蕭然若
放跡乎滄海之濱故早年而憂勤為骨晚年而恬
淡安平意推所適情任其真是之謂退密之老人

招隱辭呂亞珉為程太守築室山中予名

以招隱山房且為之辭云

羗生長兮遐陬與鹿永兮為倚陸居兮巢之憂
屋水行兮泛之揚舟朝採白雲兮遠岫夜釣明

月兮長洲杭炊兮玉燦秫釀兮蠶淳起居兮得以
自適榮辱兮不足為憂嗟山中之藥兮可卒歲而
優游翳朝市兮地大人稠擾：終日兮進取是謀
米珠薪桂兮價莫酬傲居斗室兮縮蝸斗得失榮
身兮如醉利害纏身兮如囚嗟朝市之發苦曾何
足以淹留

詩謝伯亮同子厚過

可人不易致二友何為來南山此絕頂着屐踏崔
嵬許翁不知處遺跡惟蒼苔去之五百載乃有此
竒哉風平池水靜月上山窻開笋蕨有真味几案

無纖埃明朝遂分手作惡心欲摧最苦短主簿一
葦竟東回

汪叔簡過師山不相遇留詩一首因次其

韻

風日天地和草木江山麗有人來幽谷為吾發神
秘姓氏出汪芒名字尚簡易好事每難成可人不
易致參商發浩歎何時一再詣喜聞車馬音却掃
門前地見我窻前草皆是自家意鸞飛魚躍間無
處不相值相視竟忘言乃是樂之至

游湖山次汪子盤韻

湖光山色相舒卷斯游佳興不淺長堤猶以蘇公
名孤山亦托逋仙顯澗中水落石層出塢底風迴
路千轉好句光華動瑤草新碑悽愴生苔蘚誰言
泉壑少煙霞我厭山林有鷄犬一聲歎乃眼界寬
萬古登臨心地展茅茨小飲莫遲留山徑多歧莫
能辨遊人爭羨竹輿輕倦客不嫌馱足蹇遣憚細
讀樂天詩題名欲刻秦斯篆奕鳩齊景幾何人寒
暑四時迭相餞

題洪氏舫軒

山人愛舟屋亦舟山中便作滄海游何須風帆冒

險遠東西南北窮遐陬向來此是荆棘地今日遂
作湖江秋門前嵐霧靄蒼翠疑是江上烟波浮雲
旋日動屋移影舟行岸轉曲江頭主人自是濟川
手坐今涉險如安流復有佳客天下士作記寫出
清絕幽王先生詩繼二雅五字萬里爭追來徐公
翰墨妙當世夜深光采射斗牛世間尤物自足安
用航海珠玉謀誰當共此樂朝夕窓外忘機兩白
鷗

送府判北還

君家嚴正門前土開門望天殘尺五隣里相繼取

即官惟我腰鎌獲南畝君才大似璵與璠蚤年便
作青琅玕薦之廊廟方小試如列簋簋尊壘間四
方萬國咸混一語言不通煩鞅譯君善國語能國
書奏事楓宸先百辟宰輔鶴行立殿前寫作尺一
天下傳考書便合作御史云何低裊州縣裏固知
天降大任人使察民情知治體三年出佐此山州
相忘勢分日與遊嗟予久不入城市時勤馬跡臨
荒丘今君考滿當入覲宰相賢明天子聖九重側
席待英賢會向朝端拜新命

點坑橋亭

擢筆題高柱披襟挹好風
剖成蘇渴客採葉識仙翁
飛鳥連雲白幽花點水紅
相從問歸路疑誤入崆峒

又

結屋依山麓衣冠尚古風
醉人千日酒扶杖百年翁
雲起山松綠風迴野燒紅
誰云避世者猶自在崆峒

大人壽詩

壽相挺奇骨精神炯兩眸
常為官府計不作自家謀
德政喧黃口功名未白頭
人言晏平仲不辦一

狐裘

南山讀書

愛此南山南携來萬卷看
晚書窓紙濕夜讀月華寒
山水心為水功名興未闌
因渠三沼潔改向此中蟠

又

不解况曹事來尋教畝山
已知非隱逸豈為弄潺湲
浸城廓依稀見烟雲歎乃
問此時看不盡留取待予閑

題皆山樓

萬山最深處樓亦以^山名山遠郡如障却因山作城
開窓排闥入對座畫屏橫要識樓中趣山青眼倍
明

呂孔彰挽詩

學行推先輩文章淑後生世人方軟熟師道喜尊
崇遽謝人間事空遺身後名傳家幸有子時聽談
書聲

送志道

因君此行役良有感吾心向載曾同學三餘惜寸
陰江南春已老渭北水方深寒鴈來時節相煩寄

好音

病中寄兄弟

苦熱已無計那堪與病俱過從無好客遣興有新
書世事炎涼態人生骨肉軀何當見伯仲相與問
如何

題天目山

勢壓東南萬象低溟濛空翠望中迷龍飛舞鳳川
原秀地下天高日月齊武肅百年鍾蕞氣文忠千
古欠留題客來欲問青雲路鑿破峻嶒便作梯

胡氏屏山樓

樓外青山列翠屏
矮窻放入眼增明
丹青花草春
描畫水墨林泉秋
寫成變化四時無
俗韻登臨千古有
餘清高人對此不容語
獨倚欄杆看晚晴

次韻黃竹隱心田設醮

兩銜洗出碧岑尖
春半抽齊綠草纖
富貴視同槐
下夢清閑自得度
根甜問前東郊通
城市屋外南山入
畫簷肯學衆人長
樓焚香默坐獨安恬

寄趙雲心先生

泥滓無由問起居
先生為况近何如
如窮居水北鐘
聲遠獨望江南鴈
影踈床笏已空先
世物燈窓且

讀後身書明朝風雨開晴霽
願策長筇過草廬

遊黃山題祥符寺

十年不到此叢林
問舊堂歎陸沉
石老不知蒼蘚
變山幽惟覺白雲深
藏書有室還當築
伏鼠何時為指相
歎尚多蒼舊在相
携杖屨與登臨

師山書樓成唐長孺先生賦詩見寄次韻

一首

居山日夕見山容
環堵蕭然一畝中
吾喜雲烟來
几度人看樓閣出
空中夜深月色偏
明明曉起嵐
光更鬱葱若比羊
裘軒上景臨江
惟欠一絲風

述懷

家住江南黃葉村，繩樞甕牖席為門。自罹盜賊人傳死，重見交遊我幸存。焦土更無遺簡冊，供厨惟有舊貂尊。黃巾迎拜何為者，自愧疎庸不足論。

庚寅中秋諸生載酒過師山，邀予賞月，皆有詩，因次韻。

照人沙際晚霞明，獨上師山杖屨輕。夜後朋從如雨至，坐中議讓論欲生。風比來縱有登臨興，老去那堪力役征。為問嫦娥天上事，銀河波浪几時清。

寄珊竹伯堅

扁舟東下解吾憂，回首歸來春復秋。每憶當時多樂事，番思相見不勝愁。此行久絕城闈夢，何日重為林下遊。某水某山俱在望，敲針共作釣魚鉤。

程仁和兄弟過師山，歸而賦詩傳至山中，諸生和者甚衆，且多佳句，因次韻。

細雨霏微濕野埃，客過林下屐穿苔。高山不用肩輿上，歸路何妨戴笠來。夜後舟師呼渡過，燈前稚子候門開。傾尊共話怡三樂，援盃盃行莫要催。

又

不踏康衢野馬埃却來石上坐蒼苔耕田野老牽
牛去採葉仙翁荷蕢來得句有時應自遣好懷還
復為誰開亂餘正苦無衣褐怕殺床頭蟋蟀催

寄祥符諸老

几回清夢到天都彷彿何能記有無白鹿仙人眠
不語青蓮大士笑相呼風聲月色山房靜澗愧林
慙景物孤惟有塘頭老尊宿時將機語答樵蘇

次仲賢明府兄師山兩霽韻

雨洗晴光出翠岑雲將好月到天心池涵燈火星
明水樹動笙歌風滿林臺榭巍：宜眺遠闌干曲

曲不臨深掛冠何日歸來好相共持竿練水陰

野菊

巖壑無人採落英西方時為送芳馨只緣索寞空
山裏却是黃花真性情

遊覆船山宿草堂

眠雲石下屋三間瀑布堂簷坐卧看恠底巖前龍
忽起夜來風雨不勝寒

又

自從結屋此山隈十載相携幾度來寄語山公牢
着屐莫教踏破舊蒼苔

舟中

舉頭有礙蓬如壓
欹枕無眠夢不成
誰道乾坤九
萬里不能着吾一書生

登師山

城上鐘聲度遠溪
扶桑破曙海雲低
披衣欲起還
欹枕山下晨鷄四面啼

又

山前村落亂高低
雲意模糊遠近迷
萬疊峰巒如
畫展黃山只在小樓

響泉

歷盡崕崎上碧岑
高山流水如鳴琴
何須樂水尋幽
洞自有巖前太古音

書懷寄節夫

園林正好炫春光
一夜東風括地狂
明日風平春
事在園林依舊自芬芳

元宵

闌簇鰲山千萬人
皇都今夕几分春
六街三市渾
如畫寄語金吾莫夜巡

汪先生岫雲圖

雲無心高作兩人
有意而作霖觀
此圖之變化知

先生之為心

黃山

一片崢巖石幾乎接着天有時雲氣起天與石相連

題師山精舍

師固有待閱脩容耻構人間媚佛宮十里溪光淨席上千年道脈寓山中岩岬徑迤我松竹飴白厨香剪韭葱缺邑多賢資木石適看講塵動清風

鄭子美倒騎驢圖

山翁倒着白接履習家池頭倒載時襄陽小兒齊

拍手山翁沉醉都不知江東奇士鄭子美雪中亦把驢倒騎此時子美不曾醉惟有高人目送之市兒出觀徒大笑雪風飄不掩扉舉鞭左右語觀者吾不肯人遭汝嗤嗤世間顛倒豈此爾汝不自察嗤我為我不學臨淄子父偃日暮倒行而逆施

送子美入黃山讀書

三十六峯天下無雲彩摩刷烟花敷靈秀中蓄物產殊青琳瑤壁紅珊瑚丹泉陰湧崖不枯一浴能已癆痲膚異人間凡仙佛徒或傳仙鶴來東天都所未見者當代儒鄭子特立奇丈夫山英馳移風

自山錄
掃途文豹夾載菟前驅兼乘載書從以奴入山期
作三年幼出山致用裨唐虞夫豈慕彼山澤癯嗟
爾陋學守一隅決策用舍差智遇謂已狡擒賢聖
迂非子傑出牢鍵樞頽波徹底歸淪鋪古人凜
開前模匡廬長白道不孤明年尋子鞭瘦驢荒蹊
絕澗窮縈紆子長眉青我白鬢點頭談道相携扶
好事畫入黃山圖

客錢塘有懷東山趙子長時徵師山先生
小閣疎簾畫影移凭欄多是獨吟時夕陽闌樹高
低畫殘雪江梅遠近詩潭底又聞龍劍化隴頭應

怪鶴書遲何時鄉里敲塵散來傍青樓理釣絲
鄭侍制席上同劉温燕叔義憲史諸公賦
承天觀東軒詩

孤客憑危正惘然江南春盡落花天海門黑送千
艘雨城郭青炊萬仞烟燒葉金爐猶伏火射潮鉞
箭久離弦伍員白馬今何在几度荒臺野鹿眠
克復昱嶺關寄鄭子美待制

鼓角聲雄隊伍齊揚兵晚戰昱關西黃金匣動雙
龍出赤羽旌旗萬馬嘶露布不煩諸將草詩篇還
為故人題沙漠春酒甜如蜜醉卧花陰聽鳥啼

哀此辭

邈練溪之寒瀨兮睇師山之崇仰三樂窟之遺趾
 兮森莽之荒叢念昔松篁茂鬱兮與堂構之方
 新友朋紛其來集兮濟冠佩之如雲翳先生之剛
 直兮懼師道之莫立也申義利之辨兮謂聖賢可
 企而及也春秋述而闕疑兮易經傳而有成鈞峯
 山之深峻兮牧西疇而躬耕方遊息而玩樂兮遭
 四海之建驚詔倏降九重兮徵待制於翰林且弭
 亂之有策兮闡治教兮來今曷半途而適疾兮迄
 乎吾故鄉豈終不能以有違兮熟若遂初心之適

藏慨浮雲之萬變兮亶不可測也名匪為身累兮
 義之歸乃吾責也情沉鬱而靡申兮蔽而莫之白
 也從容就死兮吾心安而理得也吁嗟先生既往
 兮節義昭如日星名存史冊而不亡兮粵千古而
 彌馨徘徊茲山兮揉草樹之群榮酌清觴而灑涕
 惻林鳥之悲鳴

師山先生全集卷之十一

師山先生全集之卷十二

謁師山先生祠

新安 鄭玉

舍生良不易端為植綱常一死泰山重十年汗簡
 香乾坤全正氣海嶽發晶光詎若匹夫諒真成百
 鍊剛中流屹砥柱北斗挹寒芒國計何嗟及精英
 耿不亡遺容瞻霽月絕筆凜秋霜

又

盛代風塵盡名家慶澤長嚴：貞白里鬱：鄭公
 鄉喬木餘芳蔭空山帶夕陽九原那可作三徑未

全荒欲範黃金像還登白玉堂儒林尊德義翰苑
播芬芳撫事成惆悵臨風思渺茫

過鄭公釣臺

相公湖邊一卷石截斷湖光三百尺射蛟人去今
幾年誰掃雲根看遺蹟師山先生性愛山偶然得
此清溝願臨流坐釣不知晚漁樵並載扁舟還武
威余公天下士特與先生題篆字良工刻入新崖
傍遂使溪山爭勝事一朝海內風塵生兩公死國
如弟兄平生隱顯雖異跡竹帛同垂千載名薰風
雨過潮初落足躡蒼苔俯幽壑釣絲已逐野煙飛

字畫多為古藤絡師山之節峻且孤威武之字人
爭摹忠賢所遺衆所寶泉石清竒何處無

又

師山先生釣臺石紫苔溜雨清千尺忠宣大籀蟠
古蚪野老何曾見竒蹟玉堂學士歸故山山中草
木皆開顏捫蘿直上最高處斜陽倦鳥孤飛還師
山豈是尋常士海內爭傳好文字當時垂釣不釣
魚富貴功名等閒事余公鄭公同死生誰為策也
誰為兄臺前石頭不解語世上人能知姓名銀鈎
鐵畫雲間落星斗光芒照林壑却笑釣名射利徒

智網紛：巧籠絡立身大節真難孤報國丹心不
可摹試問賢孫寶遺澤傳家尚有章編無

書師山先生所題黃山崖石後

蒼崖百尺與雲齊徵士重來為品題姓字一時通
漢史文章千載並洛溪春深莫遣莓苔沒日煖
添紫翠迷猶憶匡廬當日事短擎山雨五更鷄

又

怪石如花虎豹溪仙家真在白雲間九州圖蹟誇
誰勝萬古乾坤只此山丹曰半餘香丹永泉分出
水潺手摩蒼藓看題刻先生高風不可攀

師山先生從祀文公祠

理學師承不乏賢東南鄒魯豈虛傳步趨總克遵
繩矩祀饗端宜侑几筵琬琰已登昭代採汗青無
媿漢儒箋光風霽月瞻依地警欵如聞講席邊

萬一公傳

萬一公者本雙橋鄭球公之九世孫也而歛令尹
鄭安公之季子也曷為而陳繼也曷為而繼公祖
母陳之所自出睦州刺史陳公詢次子守信君代
父守睦城避陶雅之逼遜居歛傳十世至母侄忠
山君系中絕母不恐陳氏之不祀忽諸此所以命

公繼也春秋節人以莒人之子為子書曰莒人滅鄆公鄭子而陳繼可乎傳也神不歆非類民不祀非祀即明德以薦馨香寧食而不吐故謂公為陳後非也規公命厥嗣于其歿後歸骸鄭村之貞白里則公之志斯可識矣然則本姓不復而俾之陳姓何居蓋古有以官氏者以骨氏者以名氏者氏不一而隨其所取公繼陳而不必為陳後也世祀鄭陳氏祖萬一公而不必祀睦州後之陳萬一公也且今之子孫世歸祀鄭之子孫仍然一脈相視則公之心誠可安矣忠山指陳已絕公繼

不過生存相為依倚耳其歿後以外姪祀外叔可也子孫以繼故祀外戚可也謂陳其姓即真為睦州後祀忠君以上為祖則不可也是何也春秋之義而已矣池陽教授星源王儀仲履父序

鄭氏支譜序

新安重譜系凡巨室本支自唐宋以迄元燦若列星從無中所而紊之者鄭氏居雙橋新安之望也代多顯達載在郡邑志甚詳八世祖孝全公娶孺人陳氏為州前以孝公女嫁睦州後裔孺人姓為友于念外佳忠山公珍厥嗣遂以孫萬一公繼之

陳姚族鄭姬姓據古不相親而繼以祖母命禮歟
 曰情也情之至者不言禮然者公繼矣而心安乎
 曰否公遵祖母命猶倦：不忘所生臨歿囑其子
 歸骨于鄭之祖墓歸之于鄭之宗祠蓋僕以著存
 之義詔後人矣而不復柰何曰自公以下單行者
 四世不恐陳氏之不延用是弗克歸于鄭惟歲時
 祭祀至鄭祠及墓一瞻拜焉是以情而奪乎禮者
 也今為陳之姓頗繁睦州姻派且徙而至休邑纂
 乃祖服翳豈乏人陳孺人命繼之心慰矣而其輩
 念昔先人遠世言湮孫子知有陳而靡知鄭將萬

一公歸骨歸主遺意得微終泯滅而時其丕承者
 爰相率歸之宗是以禮而奪情詩曰世德作求禮
 曰狐死正丘首其是謂夫

歙志雙橋鄭氏傳

仕蹟

鄭安字子寧孝讓負大節淮帥聞其才屢辟不就
 宋亡之明年李世遼叛字木魯敬駐兵昱嶺以徽
 及覆將屠城安曰不可無主乃杖策軍門入揖而
 言也亂者世遼一人而既以敗走民爭具牛酒以
 俟將軍民亦何罪而欲屠之敬乃許之時士人丘

龍友得卽印以獻敬乃按兵而入民皆安堵因以
龍友攝郡事以安為邑令卽執職未期年而邑治
將代民詣府請留府上其事始更賜銅章卽真尹
既歿御人思其惠立祠祀之

鄭千齡傳記

鄭千齡字耆鄉以文母害授延陵巡檢調祁門尉
歷淳安休寧尹操守廉介所至有惠政比卒士民
私謚曰貞白先生祁門志云鄭某歛縣人察奸息
訟除惡彌害又廉甚用取給于家

節槩

鄭玉字美幼好學氣宇高岸不樂仕進勤于教授
門人授業者衆乃構師山書院至元間以翰林待
制奉議大夫遣使賜御酒名幣浮海徵之玉不起
家居著書有春秋闕疑周易大全附註程朱易契
餘力稿集十七年明兵至守將欲要致之玉曰吾
既不得慷慨殺身以勵士風俗猶當從容就死以
全節義遂縊死

伯温劉公曰新安徽國文公闕里也遺風
餘韻奕世猶存自宋亡元興時則有程勿
齋吳義夫汪古逸趙子常鄭彥昭汪德輔

倪士毅朱允升鄭師山唐三峯傳至國初以性命
義理之學講淑諸人皆不失為文公之徒也予嘗
聞而為之羨慕之

材武

鄭連字希貞雙橋人至正中紅巾斬賊竊據徽城
璉與兄璿傾貲召募兵協助大軍克復城池十三
年隨富建道都元帥帖古迭兒克復婺源州以功
擢太白渡巡檢十六年正月賊復據徽州璉與兄
璿復募義兵三百五十同官軍克復進攻黟縣魚
亭葛江賊寨又進復祁門縣治守禦黟縣殺賊三

十餘人擒偽百戶牛子俊偽千戶巴子成教人元
帥李成以其功咨呈樞密院陞充行軍都鎮撫璿
字國英性孝友居鄉每杖義人多德之

歛全張公濤論曰夫子重匹夫之志而孟
子輕匹夫之勇志足以師氣乎夫聖賢大
勇無勇之際無勇之功無勇之名固與匹
夫不同然匹夫遇亂世不階尺土惟挺孤
身憑寸鐵成則庸爵賞敗則潤如原此一
片氣非志矣以帥之乎是亦在聖賢中談
何容易蘭將軍忠烈先驅也若得明道過

金虜之衝羅傳道推斬黃之寇劉敬興江巨卿抵
 壬辰之難二錢之禦方臘二鄭之擣紅巾皆罹亂
 世起井開而保鄉隣國皆越國之遺風矣姚貴程
 福程傑劉清張益俱有麓川之功豈亦涇國之餘
 烈乎方本正程遷功在矣傲汪添寧倪正功在禁
 林與前諸雄皆起于匹夫也卒之或祀宗祊或崇
 廟祀生為壯士歿為明神昭哉爽矣

仕蹟

鄭達字德孚治春秋深得其旨登進士授黃岩令
 黃岩稱難治達優為之擢雲南道監察御史獨特

風裁名聞中外出按遼東鋤奸究惡邊境肅然卒
 于官

隱逸

鄭鯨字騰海雙橋人出遊吳下偏交詩人墨客所
 著有雲邀摘藁

鄭作字宜述號方山雙橋人以詩名世天下文人
 墨士相與倡和甚多性喜任俠諸公壯其為人方
 司徒曰鄭詩與程自邑並稱而豪逸過之著有方
 山集行世

孝友

鄭泗字子魯鄭村人性端慤母病歷醫不効禱于
北辰求以身代母病尋愈後父母俱喪廬于墓側
寒暑不輟紫芝生其傍白兔馴逸噴而走人以為
孝感所致云

儒林

鄭燭字景明自少潛心理學補郡弟子員遊程篁
墩之門貢入成均四方宗之登笈雲集嘗敝衣糲
食或有振先輩遺行發人隱則強質于燭徐曰
一何論及此但學其善者是矣選授河南判簿餉
密雲燭至革耗羨嚴出納便軍民頗質樸自任失

上官意改辰州府判守官如故暇則進諸生講學
析疑無何前忌者嘆之復移官以父喪奔歸時年
已六十哭泣哀思猶如孺子踰年竟以不勝喪卒
所著有石田彙舉祀鄉賢弟曠字李明與兄自為
師友克承家業晚年精究岐黃損資施藥人多德
之子懋堪世其學
鄭茂峻字文孫燭子也克世父學補邑諸生有盛
名十餘試于鄉不售退從先哲遊復倡六邑之會
講明心性至易箒不亂尤多所賑急負不問撫孤
如已子遠近稱之

烈女

鄭昌齡卒妻洪氏年二十六無子孀居六十四年
至順初旌表其門鄭玉至正十四年遣使授翰林
待制十七年明兵至玉不屈以死妻程氏殉之妾
何氏撫其孤鄭璿卒妻王氏年二十七避紅巾亂
入山賊腸以刃終不能犯其里人白其事于上洪
武戊寅旌表其門

鄭積獲妻吳氏年二十四夫死貧無子有司給米
慢恤年七十八卒監司給穀助葬

鄭縉妻倪氏無錫人年二十六縉卒未有出縉子

虬捧百金長跽請曰願以此為母氏壽且惟意所
適倪曰我生入鄭門死同鄭君穴豈有他志守節
至七十而終

鄭如金妻程氏金蚤死氏年十九誓以身殉姑慰
諭之乃勉起撫二孤終身執紼不御闔以外婦黨
罕見其面卒年五十二

師山先生全集卷之十二終

又師山先生集者元歙縣鄭玉著同郡程以文為之序朝廷嘗徵為待制以病辭家居淮日著書為事國朝兵入徽州守將將要致之曰吾^豈事二姓者明日具衣冠北面再拜自縊死元史忠義傳此集吾得之廬陵楊士奇跋



穎既繫

先生苗裔每頌餘力橐鞬報然有弗克繩我祖武之懼雖日三復遺編無纖毫崇德象賢之處死何顏以從先生於地下乎書曰忝厥祖又曰墜厥宗殆穎之謂矣

裔孫穎百拜書于餘力橐末

江北李氏藏書之富上至天文下地理中通鑑
信史文集諸子百家抄本秘典無所不備目未
所覩予偶過彼書樓見有鄭師山集抄本但見
史載其人而未見其集故借而命人抄之一快
事也

萬曆九年澄江繆洪景識



書